



文懷沙 ◆ 主編

隋唐文明

第九十三卷

含吳軒出版社

文懷沙 ◆ 主編

隋唐文明

第九十三卷

上海大學「大學叢書」

古吳軒出版社

圖書在版編目(CIP)數據

隋唐文明／文懷沙主編；《隋唐文明》編纂委員會編．

蘇州：古吳軒出版社，2004.12

ISBN 7-80574-857-8

I. 隋… II. ①文…②隋… III. 古籍—匯編—中

國—隋唐時代 W. Z121.7

中國版本圖書館CIP數據核字(2004)第132009號

責任編輯：尹劍峰 陳雪春

馮立 高穎

裝幀設計：周晨

責任印刷：何潔 蔣家宏

名：隋唐文明

編：文懷沙

出版發行：古吳軒出版社

地址：蘇州市十梓街458號

郵編：215006

電話：0512-65232286

傳真：0512-65220750

刷：江蘇淮陰新華印刷廠

本：889×1194 1/16

印 張：4027.5

數：1000冊

次：2005年3月第1版

次：2005年3月第1次印刷

號：ISBN 7-80574-857-8/K·001

價：38000.00圓(全100卷)

印 開 總 印 版 書 定

隋唐文明

第九十三卷目錄

唐大家集匯一

景咸淳本李翰林文集三十卷

分類補註李太白詩三十卷

李翰林年譜一卷

〔唐〕李 白撰

〔宋〕楊齊賢註

〔元〕蕭士資補註

一九九

〔宋〕薛仲邕撰 五九七

〔唐〕李 白撰 三

唐大家集匯

一



李翺
林鏗

甲辰冬日吳俊卿



光緒三十
二年吳隱
景宗本付
黃岡陶子
麟刊西泠
印社藏版

李翰林集

草堂集序

宣州當塗縣令李陽冰

李白字太白隴西成紀人涼武昭王高九世孫蟬聯
挂組世爲顯著中葉非罪謫居條支易姓與名然自
窮蟬至舜七世爲庶累世不大曜亦可歎焉神龍之
始逃歸于蜀復指李樹而生柏陽驚妾之夕長庚入
夢故生而名白以太白字之世稱太白之精得之矣
不讀非聖人之書耻爲鄭衛之作故其言多似天仙
之辭凡所著述言多諷興自三代已來風騷之後馳

序

驅屈宋鞭撻揚馬千載獨步唯公一人故王公趨風
列岳結軌群賢翕習如鳥歸鳳廬黃門云陳拾遺橫
制頽波天下質文翕然一變至今朝詩體尚有梁陳
宮掖之風至公大變掃地併盡今古文集過而不行
唯公文章橫被六合可謂力敵造化歟天寶中皇祖
下詔徵就金馬降輦步迎如見綺皓以七寶牀賜食
御手調羹以飯之謂曰卿是布衣名爲朕知非素畜
道義何以及此置于金鑾殿出入翰林中間以國政
潛草詔誥人無知者醜正同列害能成謗格言不入
帝用疎之公乃浪跡縱酒以自昏穢詠歌之際屢稱

東山又與賀知章崔宗之等目爲八仙之遊謂公謫
仙人朝列賦謫仙人譔凡數百言多言公之不得意
天子知其不可留乃賜金歸之遂就從祖陳留採訪
大使彥允請北海高天師授道籙於齊州紫極宮將
東歸蓬萊仍羽人駕丹丘耳陽冰試絃歌於當塗心
非所好公遂不棄我扁舟而相歡臨當挂冠公又疾
亟草文萬卷手集未修枕上授簡俾余爲序論關雎
之義始愧卜商明春秋之辭終慙杜預自中原有事
公避地八年當時著述十喪其九今存者皆得之他
人焉時寶應元年十一月乙酉序

序

李翰林別集序

朝散大夫行尚書職方員外郎直史館

上柱國樂文

李翰林歌詩李陽冰纂爲草堂集十卷史又別收歌
詩十卷與草堂集互有得失因校勘排爲二十卷號
曰李翰林集今於三館中得李白賦序表讀書頌等
亦排爲十卷號曰李翰林別集翰林在唐天寶中賀
秘監聞於明皇帝召見金鑾殿降輦步迎如見綺皓
草和蕃書恩若懸河帝嘉之七寶方文賜食於前御
手調羹於是置之金鑾殿出入翰林中其諸事跡草

堂集序范傳正撰新墓碑亦略而詳矣史又撰李白傳一卷事又稍周然有三事近方得之開元中禁中

初重木芍藥即今牡丹也

開元天寶花木記云禁中呼木芍藥爲牡丹

四本紅紫淺紅通白者上因移植於興慶池東沉香

亭前會花方繁開上乘照夜車太真妃以步輦從詔

選梨園弟子中尤者得樂一十六色李龜年以歌擅

一時之名手捧檀板押衆樂前將欲歌之上曰賞名

花對妃子焉用舊樂辭焉遂命龜年持金花牋宣賜

翰林供奉李白立進清平調詞三章白欣然承詔旨

猶若宿醒未解因援筆賦之其一曰雲想衣裳花想

容春風拂檻露華濃若非群玉山頭見會向瑤臺月

下逢其二曰一枝紅艷露凝香雲雨巫山枉斷腸借

問漢宮誰得似可憐飛燕倚新粧其三曰名花傾國

兩相歡長得君王帶笑看解釋春風無限恨沉香亭

北倚闌千龜年以歌辭進上命梨園弟子略約調撫

絲竹遂促龜年以歌之太真妃持頗黎七寶杯酌西

涼州蒲萄酒笑領歌辭意甚厚上因調玉笛以倚曲

每曲徧將換則遲其聲以媚之太真妃飲罷斂繡巾

重拜上自是顧李翰林尤異於諸學士會高力士終

以脫靴爲深耻異日太真妃重吟前辭力士曰始爲

妃子怨李白深入骨髓何難拳拳如是耶太真妃因

驚曰何翰林學士能欲辱人如斯力士曰以飛燕指

妃子賤之甚矣太真妃頗深然之上嘗三欲命李白

官卒爲官中所捍而止白嘗有知鑒處并州識汾陽

王郭子儀於行伍間爲脫其刑責而獎重之及翰林

坐永王之事汾陽功成請以官爵贖翰林上許之因

而免誅翰林之知人如此汾陽之報德如彼白之從

弟令問常目白曰兄心肝五臟皆錦繡耶不然何開

口成文揮翰霧散耳傳中漏此三事今書於序中白

有歌云吟詩作賦北窓裏萬言不及一杯水蓋歎乎

有其時而無其位嗚呼以翰林之才名遇玄宗之知

見而乃飄零如是宋中丞薦於聖真云一命不露四

海稱屈得非命歟白居易贈劉禹錫詩云詩稱國手

徒爲爾命壓人頭不奈何斯言不虛矣凡百有位無

自輕焉撰集之次聊存梗槩而已時在統雷州中咸

平元年三月三日序

李翰林集序

前進士魏顥

自盤古劃天地天地之氣長于西南劍門上斷橫江
下絕岷峨之曲別爲錦川蜀之人無聞則已聞則傑

出是生相如君平王褒楊雄降有陳子昂李白皆五
百年矣白本隴西乃放形因家於綿身既生蜀則江
山英秀伏義造書契後文章濫觴者六經六經糟粕
難離離騷糠粃建安七子七子至白中有蘭芳情理
宛約詞句妍麗白與古人爭長三字九言鬼出神入
瞪若乎後耳白久居峨眉與丹丘因持盈法師達白
亦因之入翰林名動京師大鵬賦時家藏一本故實
客賀公奇白風骨呼爲謫仙子由是朝廷作歌數百
篇上皇豫游召白白時爲貴門邀飲比至半醉令製
出師詔不草而成許中書舍人以張垺讒遂游海岱

所

五

間年五十餘尚無祿位祿位拘常人橫海鷗負天鵬
豈池籠榮之顯始名萬次名炎萬之日不遠命駕江
東訪白游天台還廣陵見之睥子炯然吟如鐵虎或
時束帶風流醞藉曾授錄于齊有青綺冠帔一副
少任俠手刃數人與友自荆徂楊路亡權窆迴棹方
暑亡友糜漬白收其骨江路而舟又長揖韓荆州荆
州延飲白悞拜韓讓之白曰酒以成禮荆州大悅白
始娶于許生一女一男曰明月奴女既嫁而卒又合
于劉劉訣次合于魯一婦人生子曰頗黎終娶于宋
間携昭陽金陵之妓迹類謝康樂世號爲李東山駿

馬美妾所適二千石郊迎飲數斗醉則奴丹砂撫青
海波滿堂不樂白宰酒則樂顯平生自負人或爲狂
白相見混合有贈之作謂余爾後必著大名於天下
無忘老夫與明月奴因盡出其文命顯爲集顯今登
第豈符言耶解携明年四海大盜宗室有潭者白陷
焉謫居夜郎罪不至此屢經昭洗朝廷忍白父爲長
沙汨羅之儔路遠不存否極則泰自宜自寬吾觀白
之文義有濟代命然千鈞之弩魏王大邴用之有時
議者奈何以白有叔夜之短儻黃祖過欄臂帶罪阮
古無其實所謂仲尼不假蓋於子夏經亂離白章句
蕩盡上元末顯於絳偶然得之沉吟累年一字不下
今日懷舊援筆成序首以贈顯作顯酬白詩不忘故
人也次以大鵬賦古樂府諸篇積薪而錄文有差互
者兩舉之白未絕筆吾其再刊付男平津子掌其他
事跡存於後序

序

六

李翰林集序

曾華

李白詩集二十卷舊七百若干篇今九百若干篇者
知制誥常山宋敏求字次道之所廣也次道既以類
廣白詩自爲序而未考次其作之先後余得其書考

其先後而次第之蓋白蜀郡人初隱岷山出居湖漢之間南游江淮至楚觀雲夢許氏者高宗時宰相國師之家也以女妻白因留雲夢者三年去之齊魯居徂來山竹溪入吳至長安明皇聞其名召見以為翰林供奉頃之不合去北抵趙魏燕晉西涉岐邠歷商於至洛陽遊梁最久復之齊魯南浮淮泗再入吳轉涉金陵上秋浦抵潯陽天寶十四載安祿山反明年明皇在蜀永王璣節度東南白時卧廬山璣追致之璣軍敗丹陽白奔至宿松繫潯陽獄宣撫大使崔渙與御史中丞宋若思驗白以為罪薄宜貰而若思軍赴河南遂釋白因使謀其軍事上書肅宗薦白才可用不報是時白年五十有七矣終以璣事長流夜郎遂泛洞庭上峽江至巫山以赦得釋愁岳陽江夏久之復如潯陽過金陵徘徊於歷陽宣城二郡其族人陽冰為當塗令白過之以病卒年六十有四足寶應元年也其始終更涉如此此白之詩書所自序可考者也范傳正為白墓誌稱白偶乘扁舟一日千里或遇勝景終年不移則見於白之自序者蓋亦其略也舊史稱白山東人為翰林待詔又稱王永璣節度揚州白在宣城謁見遂辟為從事而新書又稱白流夜

郎還潯陽坐事下獄宋若思釋之者皆不合於白之自序蓋史誤也白之詩連類引義雖中於法度者寡然其辭閱肆雋偉殆騷人所不及近世所未有也舊史稱白有逸才志氣宏放飄然有超世之志余以為實錄而新書不著其語故錄之使覽者得詳焉

故翰林學士李君墓誌并序

李華

嗚呼姑孰東南青山北世有唐高士李白之墓嗚呼哀哉夫仁以安物公其慙焉義以濟難公其志焉識以辯理公其博焉文以宣志公其懿焉宜其上為王師下為伯友年六十有二不偶賦歸終歌而卒悲夫聖以立德賢以立言道以恒世言以經俗雖自死矣吾不謂其亡矣也有子曰伯禽天然長能持幼能辯數梯公之德必將大其名也已矣銘曰

立德謂聖立言謂賢嗟君之道奇於人而侔於天哀哉

唐故翰林學士李君碣記

尚書膳部員外郎劉全白撰

朝議郎行當塗縣令顧遊秦建

君名白廣漢人性倜儻好縱橫術善賦詩才調逸邁

往往與會屬詞恐古之善詩者亦不逮尤工古歌少
任俠不事產業名聞京師天寶初玄宗辟翰林待詔
因爲和蕃書并上宣唐鴻猷一篇上重之欲以綸誥
之任委之同列者所謗詔令歸山遂浪跡天下以詩
酒自適又志尚道術謂神仙可致不求小官以當世
之務自負流離軻軻竟無所成名有子名伯禽偶遊
至此遂以疾終因葬於此文集亦無定卷家家有之
代宗登極廣拔淹瘁時君亦拜拾遺聞命之後君亦
逝矣嗚呼與其才不與其命悲夫全白幼則以詩爲
君所知及此投弔荒墳將毀追想音容悲不能止邑

序

九

有賢宰顧公遊秦志好爲詩亦常慕效李君氣調因
嘆盛才冥冥遂表墓式墳乃題貞石冀傳於往來也
貞元六年四月七日記沙門履文書墳去墓記一百
二十步

唐左拾遺翰林學士李公新墓碑

并序

宣歙池等州觀察使范傳正

駢驥筋力成意在萬里外歷塊一蹶斃於空谷唯餘
駿骨價重千金大鵬羽翼張勢欲摩穹昊天風不來
海波不起塌翅別島空留大名入亦有之故左拾遺
翰林學士李公之謂矣公名白字太白其先隴西成

序

十

紀人絕嗣之家難求譜牒公之孫女搜於箱篋中得
公之亡子伯禽手疏十數行紙環字缺不能詳備約
而計之涼武昭王九代孫也隋末多難一房被竄于
碎葉流離散落隱易姓名故自國朝已來編於屬籍
神龍初潛還廣漢因僞爲郡人父客以連其邑遂以
客爲名高卧雲林不求祿仕公之生也先府君指天
枝以復姓先夫人夢長庚而吉祥名之與字咸所取
象受五行之剛氣叔夜心高擬三蜀之雄才相如文
逸瓊奇宏郭拔俗無類少以俠自任而門多長者車
常欲一鳴驚人一飛冲天彼漸陸選喬皆不能也由
是慷慨自負不拘常調器度弘大聲聞于天天寶初
召見於金鑾殿玄宗明皇帝降輦步迎如見國綺論
當世務草答書辯如懸河筆不停輟玄宗嘉之以
寶牀方丈襲食於前御手和羹德音褒美褐衣恩遇
前無比儔遂直翰林專掌密命將處司言之任多陪
侍從之遊他日泛白蓮池公不在宴宴歡既洽召公
作序時公已被酒於翰苑中仍命高將軍扶以登舟
優寵如是既而上疏請還舊山玄宗甚愛其才或慮
乘醉出入省中不能不言溫室樹恐機後患惜而遂
之公以爲千鈞之弩一發不中則當摧挫折牙而永

息機用安能做碌碌者蘇而復上哉脫屣軒冕釋羈
韁鎖因肆情性大放宇宙間飲酒非嗜其酣樂取其
昏以自富作詩非事於文律取其吟以自適好神仙
非慕其輕舉將不可求之事求之欲耗壯心遺餘年
也在長安時秘書監賀知章號公爲謫仙人吟公鳥
栖曲云此詩可以哭鬼神矣時人又以公及賀監汝
陽王崔宗之裴周南等八人爲酒中八仙朝列賦謫
仙歌百餘首俄屬戎馬生郊遠身海上往來於斗牛
之分優游沒身偶垂扁舟一日千里或遇勝境終年
不移時長江遠山一泉一石無往而不自得也晚歲

序

十一

渡牛渚磯至姑孰悅謝家青山有終焉之志盤桓利
居竟卒於此其生也聖朝之高士其往也當塗之旅
人代宗之初搜羅俊逸拜公左拾遺制下於彤庭禮
降於玄壤生不及祿歿而稱官嗚呼命歟傳正生唐
代甲子相懸常於先大夫文字中見與公有澤陽夜
宴詩則知與公有通家之舊早於人間得公遺篇逸
句吟詠在口無何叨蒙恩獎廉問宣池按圖得公之
墳墓在當塗邑因令禁樵採備洒掃訪公之子孫欲
申慰薦凡三四年乃獲孫女二人一爲陳雲芝室一
乃劉勸之妻皆編戶畊也因召至郡庭相見與語衣

服村落形容朴野而進退閑雅應對詳諦且祖德如
在儒風宛然問其所以則曰父伯禽以貞元八年不
祿而卒有兄一人出遊一十二年不知所在父存無
官父歿爲民有兄不相保爲天下之窮人無桑以自
蠶非不知機杼無田以自力非不知稼穡況婦人不
任布裙糲食何所仰給儼于農夫救死而已久不敢
聞於縣官懼辱祖考鄉閭逼迫忍耻來告言訖淚下
余亦對之泫然因云先祖志在青山遺言宅兆頃屬
多故殯於龍山東麓地近而非本意墳高三尺日益
摧圯力且不及知如之何聞之憫然將遂其請因當

序

十一

塗令諸葛繼會計在州得諭其事繼亦好事者學爲
歌詩樂聞其語便道還縣躬相地形卜新宅于青山
之陽以元和十二年正月二十三日遷神于此遂公
之志也西去舊墳六里南抵驛路三百步北倚謝公
山即青山也天寶十二載勅改名焉因告二女將改
適於士族皆曰夫妻之道命也亦分也在孤窮既失
身於下俚仗威力乃求援於他門生縱偷安死何面
目見大父於地下欲敗其類所不忍聞余亦嘉之不
奪其志復并稅免徭役而已今士大夫之葬必誌於
墓有數庸道德之家無樹碑于道余才術貧虛不能

兩致今作新墓銘輒刊二石一寘于泉高一表于通路亦覲首漢川之義也庶芳聲之不泯焉文集二十卷或得之於時之文士或得之於宗族編緝斷簡以行于代銘曰

嵩嶽降神是生輔臣蓬萊誕真斯爲逸人晉有七賢唐稱八仙應彼星象唯公一焉晦以麴蘖暢於文篇萬象奔走乎筆端萬慮泯滅乎罇前必酒甕行惟酒船吟風詠月席地幕天但貴乎適其所適不知夫所以然而然至今尚疑其醉在千日寧審乎壽終百年謝家山今李公墓異代詩流同此路舊墳卑瘁風雨侵新宅夷墟松栢林故鄉萬里且無嗣二女從民永於此猗歟琢石爲二碑一藏幽隧一臨岐岸深谷高變化時一存一毀名不虧

翰林學士李公墓碑

前守秘書省校書郎裴敬

李翰林名白字太白以詩著名召入翰林世稱才名占得翰林他人不復爭先其後以脅從得罪既免遂放浪江南死宣城葬當塗青山下李陽冰序詩集粗具行止敬嘗遊江表過其墓下愛其才壯其氣味其嗜酒知其取適作碑於墓且曰先生得天地秀氣耶

不然何異於常之人耶或曰太白之精下降故字太白故賀監號爲謫仙不其然乎故爲詩格高旨遠若在天上帝物外神仙會集雲行鶴駕想見飄然之狀視塵中屑屑米粒蟲虻紛擾箇蠶羈絆蹂躪之比又嘗有知鑒客并州識郭汾陽於行伍間爲脫免其刑責而獎重之後汾陽以功成官爵請贖翰林上許之因免誅其報也又常心許劍舞裴將軍予曾叔祖也嘗投書曰如白願出將軍門下其文高其氣雄世稀其本懼失其傳故序傳之大和初文宗皇帝命翰林學士爲三絕贊公之詩歌與將軍劍舞伯張旭長史草

書爲三絕夫天付上才必同靈氣賢傑相投龍虎兩

合可爲知者言非常人所知也夫古以名德稱占其官謚者甚希前以詩稱者若謝吏部何水部陶彭澤鮑參軍之類唐朝以詩稱者若王江寧宋考功韋蘇州王右丞杜員外之類以文稱者若陳拾遺蘇司業元容州蕭功曹韓吏部之類以德行稱者若元魯山陽道州以直稱者魏文貞狄梁公以忠烈稱者顏魯公段太尉以武稱者李衛公英公以學行文翰俱稱者虞秘監唐之得人於斯爲盛翰林其以詩稱之一也予嘗過當塗訪翰林舊宅又於浮圖寺化城之僧得翰

李翰林集卷第一

翰林供奉李白

古風上

林自寫訪賀監不遇詩云東山無賀老却棹酒船回
味之不足重之爲寶用獻知者又於歷陽郡得翰林
與劉尊師書一紙思高筆逸又嘗遊上元蔣山寺見
翰林讀志云云水中之月了不可取刀齊尺量屬遂
陳語文簡事備誠爲作者附於此云會昌三年二月
中敕自泝水草堂南遊江左過公墓下四過青山兩
發塗口徘徊不忍去與前濮州野城縣尉李劭同以
公服拜其墓問其墓左人畢元宥實備麗掃留縣帛
其酒饌祭公知公無孫有孫女二人一娶劉勤一娶
陳雲皆農夫也且曰二孫女不拜墓已五六年因告

序

主

邑宰李君都僕請免畢元宥力役俾專麗掃事嘻享
名甚高後事何薄謝公舊井新墓角落青山白雲共
爲蕭索巨竹拱墓如公卓犖夫長地久其名不朽此
爲祭文寫授元宥又爲碑曰

貴盡皆然名存則難故子重名不重官作李翰林碑
十五字而已

獲麟

蟾蜍薄太清蝕此瑤臺月圓光虧中天金魄遂淪沒
蟬蛭入紫微大明夷朝暉浮雲隔兩耀萬象昏陰罪
蕭蕭長門宮昔是今已非桂蠹花不實天霜下嚴威
沉歎終永夕感我涕沾衣

秦皇掃六合虎視何雄哉揮劍決浮雲諸侯盡西來
明斷自天啓大略駕群才收兵鑄金人函谷正東開
銘功會稽嶺騁望琅邪臺刑徒七十萬起土驪山隈
尚採不死藥茫然使心哀連弩射海魚長鯨正崔嵬
額鼻象五嶽揚波噴雲雷聲震蛟龍天何由觀蓬萊
徐氏戴秦女樓船幾時迴但見三泉下金棺葬寒灰

鳳飛九千仞五章備錄珍銜書且虛歸空入周與秦
橫絕歷四海所居未得鄰吾營紫河車千載落風塵
藥物秘海嶽採鉛青溪濱時登大樓山舉首望仙真
羽駕滅去影颺車絕迴輪尚恐丹液遲忘願不及申
徒茲一作鏡中髮羞彼鶴上人桃李何處開此花非
我春唯應清都境長與韓衆親

太白何蒼蒼星辰上森列去天三百里瓊爾與世絕
中有綠髮翁披雲卧松雪不笑亦不語冥棲在巖穴
我來逢真人長跪問寶訣粲然忽自哂一作落授以

鍊藥說銘骨傳其語疎身已電滅仰望不可及蒼然

五情熱吾將營丹砂永與世人別

代一作馬不思越越禽不戀燕情性有所習土風固

其然昔別鴈門關今成龍庭前驚沙亂海日飛雪迷

胡天蟣虱生虎鶻心魂逐旌旗苦戰功不賞忠誠難

可宣誰憐李飛將白首沒三邊

客有鶴上仙一本云家飛飛凌太清揚言碧雲裏自

道安期名兩兩白玉童雙吹紫鸞笙去影忽不見迴

風送天聲舉首遠望之飄然若流星願淦金光草壽

與天齊傾

咸陽二三月宮柳黃金枝綠幘誰家子賣珠輕薄兒

日暮醉酒歸白馬驕且馳意氣人所仰冶遊方及時
子雲不曉事晚厭長楊辭賦達身已老草玄鬚若絲
投閑良可數但爲此輩嗤

莊周夢蝴蝶蝴蝶爲莊周一體更變易萬事良悠悠
乃知蓬萊水復作清淺流青門種瓜人舊日東陵侯
富貴固如此營營何所求

齊有倜儻生魯連特高妙明月出海底一朝開光曜
却秦振英聲後世仰末照意輕千金贈顧向平原笑
吾亦澹蕩人拂衣可同調

黃河走東溟白日落西海逝川與流光飄忽不相待

春容捨我去秋髮已衰改人生非寒松年皃豈長在

吾當乘雲螭吸景駐光彩

松栢本孤直難爲桃李類昭昭嚴子陵垂釣滄波間

身將客星隱心與浮雲閑長揖萬乘君還歸富春山

清風麗六合邈然不可攀使我長歎息冥棲巖石間

君平既棄世世亦棄君平觀變窮太易探元化群生

寂寞綴道論空簾閉幽情騁虞不虛來驚驚有時鳴

安知天漢上白日懸高名海客去已久誰人測沉冥

胡關饒風沙蕭索竟終古水落秋草黃登高望戎虜

荒城空大漠邊邑無遺堵白骨橫千霜差戢蔽榛莽